

中

興

禮

書

中興禮書第一百二十八卷

吉禮一百二十八

大中興禮書

即大
展左
昭十
七年
十一
月
十八
日
之
詳
似
不
必
分
為
二
祀

紹興三年正月十七日禮部太常寺言太常博士趙霈
劄子奏仰惟陛下鑒興迷幸駐蹕東南禮文之事初若
未暇曩因臣僚獻議天地社稷之祀因已舉行時方多
故宜於群小祀皆在所略然大祀有繫於國本尤不可
者若大火之祀是也惟陶唐氏火正曰閼伯實居商丘
主祀大火能宿其官後世因之祀為貴神配火侑食蓋
南都乃商丘之地當房心之次實太祖皇帝受命之邦
故以宋建號用火紀德國家奉祀世受其福况陛下踐
祚此邦復興王業考之祀典正所當先且禮貴從宜登

或尚簿去繁就簡移豐為約要以誠意為主伏望明詔
有司舉茲闕文來歲春秋擇日就行在秩祀大火配
闕伯仰副陛下欽恭明神之志詔令禮部討論本部下
太常寺本寺申依本官所乞詔依今參酌禮例省繁就
簡比附合行事件一祀大火配以商丘王其神位版乞
令太史局製造本局差學士於行事前一日齋赴祠所
一合用御封降真香二合乞下入內侍省請降一合
用祝文二首乞令秘書省修撰一獻官一員乞輪差卿
丞博士如闕乞牒報秘書省差官行禮所有奉禮郎太
祝太官令內太祝以有出身人充乞下所至州軍差官
並前一日赴祠所致齋一禮料每位合用神酒二升鹿
脯一段重四兩鹿鷄二合半赤幣一段長一丈八尺小

尺乞下所至州軍排辦詔依

十年三月十四日禮部言准都省批送下南京留守司
申契勘應天府商丘臺係饗祭太火及閔伯之地先承
指揮賜光德廟額封商丘王緣南北隔絕屋宇盡行折
毀除已一面計置隨宜修整外望欲朝廷特加尊崇增
錫顯號後批送禮部勘當本部下太常寺看詳本寺勘
會閔伯初封商丘公後加封商丘王今欲擬封商丘宣
明王詔依

七月三日禮部太常寺言勘會春秋二季月祀應天大
火先為道路未通權於行在設位行禮昨日交割河南
故地以後遂以自來條例給降祝文付本處排辦差官
行禮今來又緣道路梗阻欲乞依前權於行在設位排

辦差官行禮詔依

祀應天府大火儀

時日 齋戒 陳設 行事

時日

太常寺前期以季春擇日祀應天大火季秋准此闕太史局擇日報太常寺太常參酌訖定日散告

齋戒

前祀十日質明行事官俱赴祠所齋宮幕次致齋唯祀事得行其餘悉禁行事官集獻官齋所肆儀太祝習讀祝文眠香幣訖還齋所官給酒饌祀官已齋而闕者通攝行事

陳設

前祀二日儀鸞司設行事執事官次於齋宮之內祀日
前三刻禮直官贊者諸司執掌各服其服太常設神位
席以莞太史設神位版大史位於殿上北方南向尚立
宣明王位於殿上東方西向太常陳幣篚各於神位前
之左幣以赤祝版各於神位之右置於坫香爐匙合以
御封香并置於神位之前次設祭器皆藉以席每位各
左一籩實以鹿脯右一豆實以鹿膋設著尊二實以初祭酒加勺在
殿上稍南北向西上設燭於神位前洗二於殿東階下
之東南向盥洗在東爵洗在西罍在洗東加勺篚在西
南肆實以巾若爵洗之篚則又實以爵加坫執壘篚者位於其後又設
燎草於燎壇設望燎位於北獻官在北南向奉禮郎太
祝太官令位於殿下北向西上

行事

祀日未行事前太官令帥其屬贊饌具畢點眡訖餘官各服祭服次引奉禮郎太祝太官令先入就席位次引獻官入就位禮直官稍前贊有司謹具請行事贊者曰再拜在位者皆再拜次引奉禮郎太祝太官令俱升就位立定次引獻官詣盥洗位北向立搢笏盥手悅手執笏升詣大火神位前搢笏跪三上香次引奉禮郎搢笏西向跪執事者以幣授奉禮郎奉禮郎奉幣授獻官訖執笏興先詣商丘宣明王神位前北向立初獻受幣奠訖執笏悅伏興再拜次詣商丘宣明王神位前東向立的獻話奠幣位准此如上儀奉禮郎復位獻官降殿復位次引太祝詣神位前東向立引獻官再詣盥洗位北向立

搢笏盥手悅手執笏詣爵洗位北向立搢笏洗爵拭爵
以授執事者執笏升詣尊所西向立執事者以爵授獻
獻官獻官搢笏跪執爵執尊者舉冪太官令酌酒訖先
詣配位酌尊所北向立獻官以爵授執事者執笏興詣
大火神位前北向立搢笏跪執事者以爵授獻官獻官
執爵三祭酒奠爵執笏悅伏興少立太祝搢笏跪讀祝
文訖執笏興先詣商丘宣明王神位前南向立獻官再
拜次詣商丘宣明王神位前酌獻並如上儀太官令復
詣正位酌尊所太祝復位獻官降殿復位少立次引獻
官奉禮即太祝降殿詣望燎位立定禮直官曰可燎火
燎半柴引獻官以下退

中興禮書第一百二十九卷

吉禮一百二十九

九宮貴神

高宗紹興十一年十月三日太常丞朱輅等劄子伏自國朝承唐之舊祀九宮貴神於東郊用大祀禮蓋緣九宮所主風雨霜雪雹疫之事所繫甚重有國家者欲以爲民請福所以必加寅奉在唐天寶間每歲祭以四孟至乾元方減冬夏二季本朝因乾元故事無所更改每歲止祭春秋二仲渡江以來併與春秋二仲之祭因循不舉其為缺典檢准國朝會要咸平四年詔從杜鎬之一日詔以蝗災遣官於二十五日祀九宮貴神王旦日九宮是大祠前七日受誓戒若於二十五日祀則于禮

不備帝以為然乃擇日依典禮行事然則聖朝所以尊
事九宮之神歲有常祀祀有常禮皆不可廢伏望朝廷
詳酌施行詔依所乞令禮部條具申尚書省尋下太常
寺具到合行事件 一依議春秋二仲祀九宮賁神條
大祀合用羊豕并登歌大樂酒齊禮料祝文幣帛等欲
乞依禮例闕報所屬施行 一合圭璧九段奠獻行禮
緣即日見闕乞權不用玉止令奠幣行禮候製造到圭
璧即依儀行事 一合差三獻官吏部尚書掌誓刑部
尚書泣誓光祿卿兵部工部郎中監察御史光祿丞奉
禮郎太祝太官大社令今欲乞依禮例申闕所屬差官
施行 一合用神位版鋪設學生并指行宮定時尅擇
官並乞下太史局差辦 一行禮儀注乞從本寺參酌

隨宜修定 一契勘行禮致齋去處係在錢湖門外望
祭齋宮每遇社祭止是四位今來九宮貴神係九位地
步窄隘難以鋪設乞下臨安府委官將望祭殿東西南
壁各行接簷五尺北壁接簷一丈及將燎壇亦量行移
修施行詔依

十八年五月十七日臣僚上言臣聞十神太一十精太
一九宮太一即漢所祀天之貴神曰太一是已天之貴
神所職甚重主風雨水旱疾疫之事歷代祠之唯謹漢
武帝祇祠太一一位與天地等唐明皇兼祠九宮次於
昊天上帝皆親行酌獻國朝分而為二以十神飛棊隨
所臨築宮以迎祀之故太一宮有三以九宮各有定位
總謂之九宮貴神故于東郊有再成之壇並為大祀所

以重熙累洽世蒙其祐中興以來歲不報事比新太一
十神之宮親屈帝尊為民祈福而九宮貴神未有壇墀
漢武帝春秋祭為太一為壇于東南郊唐天寶中始祀
九宮貴神于國神東本朝循唐舊制壇在朝陽門外與
青帝隣祥符東封亦為九宮貴神壇于行宮之東今者
九宮貴神尚寓西湖之上屋而不壇與中小祀雜欲乞
詔有司于國城之東擇地建壇一如祖宗之典庶幾景
晚可迎年穀屢熟天下幸甚詔令禮部太常寺看詳措
置

六月十八日禮部太常寺言編詳九宮繫天之貴神而
五帝實為之佐歷代國朝並尊為太祀壇于東郊就方
位也檢會國朝九宮貴神壇二制成第一成東西南北

各一百二十尺高三尺再成東西南北各一百尺高三尺壇東西南北各出一階西南坤道又為一階各闊五尺上設小壇九每壇縱廣八尺相去一十六尺各高一尺五寸壇下四面仍為兩壇各二十五步今欲令臨安府委官于國城之東踏逐爽塏之地可以修建九宮貴神壇壝并望祭齋宮去處申取朝庭指揮詔依十九年正月八日禮部太常寺言已降指揮令臨安府修建九宮貴神壇壝等今據臨安府申踏逐到東青門外長生院寺基可以隨宜築蓋壇壝望祭殿并神厨宿齋等屋伏乞詳的指揮施行

中興禮書第一百三十一卷

吉禮一百三十一

太一宮一

紹興十七年九月二十七日詔令禮部討論太一典故
申尚書省

紹興十七年十月十三日禮部言據太常寺開具到太
一典故下項 一東太一宮典故檢准國朝會要太平
興國初司天楚芝蘭言按太一式有五福君基大游小
游天一臣基直符民基四神地一凡十太一皆天之尊
神五福所在之處無兵役人民豐樂凡行五宮四十五
年 一移自雍熙元年入黃色室巽宮在吳分蘇州請
就其地預築宮祀之以迎福况從之六年十月宮成芝

蘭又言都城東南地名蘇村可徙燕宮於此以應蘇臺
 之名則福集帝都太宗曰太一之貴神所臨之方民必
 受福今四海一家若立廟吳中歲時嚴奉頗成疏遠詔
 有司就蘇州營造命東上閣門使趙鎔董其役八年十
 一月新宮成總千百區凡十殿四廊圖畫三皇五帝九
 曜七元天地水三官南斗三台二十八宿天曹四司十
 指太一五嶽儲副位命十二山神八卦六丁五行四瀆
 本命等神及四直靈官三十六神將像五百二十四軀
 是月命樞密直學士張齊賢與楚芝蘭共祠之齊賢等
天神之至貴請用祭天之禮其半又小擬之太宗命
增教坊伶官百神自昏初至明如漢祀之禮選道士十
八人主其焚修以上省二人為都監官主自定每歲四
立日行茶禮命近臣攝事幣冊祝無牲祭以質明道士
特種齋步虛以前引祠官編冊十殿奠幣酌獻太祝奉
禮分殿奠四廟之神皆預遣中使主其事二分二至前

一日今道士自宮行道至明內此御書名青銅質
禮焚香詞及畫編龍車鳳輦與錢馬鞍革纓帶親定
宿三畫夜御書名黃素朱表青詞如科式皆以中使
主其事又命廷臣及內侍各一人守之
其宮三殿一代軍士百三十人

宮典故檢准國朝會要天聖六年三月司歷者上封言
五福太一自雍熙元年甲申入吳郡之吳宮曰黃室宮
太宗用楚芝蘭術建宮於國城東南館御靈真以集景
既及今四十五年太一行次當入蜀郡之坤宮曰黃庭
宮可於國城西南別建新宮以順方向於是詔擇八角
鎮地建西太一宮奉安十神尊像八月功畢詔前三門
題太一宮中三門曰顯真大殿曰黃庭後殿曰寧禧東
殿曰延貺西殿曰資祐齋殿曰清修命翰林學士宋綬
撰記十一月自內中排儀仗具道門威儀用教坊樂迎

引塑像出東華門赴城西新宮奉安

又差內侍楊承印幹當宮事仍錄印

始

十二月太常禮院言舊制歲時四立日皆就東太一

宮差官祠祭今新宮已建欲自今止就宮行禮從之

一中太一宮典故檢准國朝會要熙寧四年十月司天中官正周琮言太一經推美得熙寧七年甲寅歲太一陽九百六之數至是年復元之初故經言太歲有陽九之災太一有百六之厄皆在入元之終或元初主有災厄然而陽九百六當癸丑甲寅之歲為災厄之會緣却得五福太一移入中都消異為祥伏望稽雍熙天聖改事崇建宮宇迎五福太一於京師詔將作監於集禧殿相視建宮六年春宮成以十月二十五日迎奉太一神像

一北太一宮典故省記政和年間就龍德宮改建

北太一宮至政和八年宮成自奉慈觀迎奉十神太一
於北太一宮前後作兩殿奉安自後每遇立冬日依中
太一宮禮例差官行禮一見今每歲差中書舍人祀十
神太一於錢湖門外惠照院設位行禮立春日祀東太
一宮立夏日祀中太一宮立秋日祀西太一宮立冬日
祀北太一宮一本部契勘太常寺開具典故在前見今
遇四立日隨氣祀十神太一並權於錢湖門外惠照院
設位望祀切恐未稱朝廷欽崇之意今討論欲望朝廷
詳酌令所屬踏逐吉地隨宜修建太一宮塑十神太一
神像俟宮成擇日奉安導迎景貺遇四立日就宮行禮
詔依令兩浙轉運司修葺先次畫圖中尚書省取旨
紹興十七年十月二十三日禮部太常寺言勘會太一

宮自內中排儀仗具道門威儀用教坊樂迎引塑像出東華門赴城西新宮奉安并省記昨建北太一宮于京城西北奉慈觀塑像于奉安前一日迎奉赴北太一宮至日奉安今來修建太一宮所有塑十神太一神像去處合取自朝廷指揮詔令就新建太一宮塑像奉安

紹興十七年十月二十八日宰執進呈有司相視修建地圖上宣諭曰朕營太一宮本以昭事神之意不可崇飾華侈致有騷擾

紹興十七年十一月一日中書門下省言御前降下太一宮圖本詔令兩浙轉運司修內司同共修蓋

紹興十九年十一月十四日禮部太常寺言今續討論典故下項 一伏覲天聖年中太一人蜀郡之坤宮曰

黃庭宮建西太一宮詔前三門題曰太一宮中三門曰顯真大殿曰黃庭後殿曰均福東殿曰延貺西殿曰資祐齋殿曰清修至熙寧年建中太大一宮凡七殿曰真室延休承釐凝祐臻福膺慶景貺皆係御製殿名政和年中建北太一宮前殿曰黃祕後殿曰統元當時亦係御製御書今來行在建太一宮所有殿名伏望朝廷詳酌取旨別製殿名 一契勘十神太一神像所用冠服別無該載今省記得東西太一宮所塑係道冠仙衣其侍立從官二身亦係道服童子二身服青衣執紅絲拂兼據中太一宮道士朱忠煥省記中太一宮十神太一並係通天冠絳服執玉圭每一位各從官二身各帶涼冠絳服執笏童子二身執紅絲拂今討論欲依東西太

一宮神像服飾施行 一檢會國朝會要天禧年興建
禮泉觀凡數殿內寶壽殿專崇奉皇帝本命契勘在京
宮觀多建本命殿緣行在日前未曾修建宮觀今來修
蓋太一宮欲乞一就相度修建皇帝本命殿祝延聖壽
詔依

紹興十八年正月二十四日禮部太常寺言太一宮十
神太一殿已降指揮親製殿名合請御書外所有本命
殿并齋殿名及太一宮門牌欲乞依禮例並請御製御
書并乞依國朝典故迎御書牌設儀仗用道門威儀教
坊作樂迎導詔依御製殿名一殿曰介福齋殿曰齋明
紹興十八年三月六日幹辦太一宮王晉錫條具合行
事件乞依故例日分各許開宮放士庶等入宮香其本

宮諸門啟閉及火禁乞並依皇城法詔依

紹興十八年三月十四日禮部太常寺言勘會修蓋太
一宮將欲畢工今參酌條具申請事件 一奉請迎奉
安掛御書牌合用御封降真香乞從太常寺具數報入
內內侍省請降 一乞令修蓋太一宮官屬并本宮官
於奉安宮像前二日奏請俟降御書牌出令逐官再拜
奉迎訖導從次教坊作樂迎導至太一宮設幄安奉訖
上香再拜教坊作樂訖退至奉安太一使以下詣幄觀
御書牌訖權行安掛俟奉安時至遷正一儀仗乞用細
仗二百人令兵部指揮所差教坊樂人一百人乞下鈔
輜教坊所差援衛親從官五十人裝著儀注全乞下皇
城司差道士五十人執威儀等乞下臨安府差一合用

權安奉牌匾次并絲結殿子乞令儀鸞司同臨府計會
兩浙轉運司排辦其合用輦官人數乞下御輦院差一
輦官親從樂人合用絹子紙花乞從工部行文思院
關借赴轉運司給散詔依

同日都大主管所狀據太史局選定日辰下項 一安
排太一宮牌并告遷神像並宜用三月十七日癸時吉
一奉安神像宜用三月十八日癸時吉詔依

同日禮部太常寺言今參酌比附奉安合行申請事件
一欲乞依禮例奉安前一日并奉安日皇帝不視事
一告奉安等合用御封降真香乞從太常寺具合用數
報入內內侍省請降 一告遷奏告奉安合用祝文六

首青詞三首其祝文

二首述以告遷太一神像并奉安
殿神像奏告之意二首述以奉安

時前奏告之意二首青詞一首述以皆選三清奏告之意以上奉安之意一首述以未安時前奏告之意一首述以並乞下學士院修撰書寫進書訖降付

太常寺

一照寧中太一宮故事係命宰臣為奉安太

一使今來奉安太一神像乞降勅差宰臣為奉安太一

使一奉安十神太一除奉安使行禮外所有造遷奏告

奉安依禮例合差分詣行禮執政官三員一員造遷時

前詣三清聖像十神太一皇帝本命殿神像前行奏告

之禮并正奉安詣三清聖像前行奉安之禮一員奉安

時前詣十神太一皇帝本命殿行禮並前一日赴本宮

宿齋乞朝廷降勅差如執政官不足乞於侍從官內差

一奉安神像合差都大主管官以入內內侍省官充

乞依禮例降勅差一今來神像見在本官塑製係自

齋殿迎奉赴本殿奉安欲乞下兵部排設細仗二百人
於奉安前一日絕早赴宮迎奉排立過夜權行放散量
留人守仗至日排立 一合差扶侍夾侍捧遷神像官
報入內內侍省差 一告遷奉安神像合用絲結殿子
乞下儀鸞司同臨安府排辦 一合用教坊鈞容直樂
人各一百人乞下鈐轄教坊鈞容直所差排立圍子親
從官一百人裝着儀注全乞下皇城司差捧擎人神像
輦官裝着儀注全乞下御輦院差撥威儀道士一百人
乞下臨安府差並前一日絕早赴本宮晝夜更互排立
作樂作法事祇應 一告遷奏告奉安行禮修造官屬
并本宮官陪位立班 一告遷并奉安時前奏告各合
用鵝梨法醬正奉安合用素饌禮料神酒蠟燭等並乞

依例下臨安府排辦詔依

紹興十八年三月十五日禮部太常寺言奉安太一宮神像數內合差奉安分獻官一十二員告遷時前奏告并正奉安時前奏告及正奉安差光祿卿各一員告遷時前奏告正奉安詣皇帝本命殿行禮并奉安時前奏告正奉安十神太一及正奉安三清聖像各合差奉禮即太祝太官令共九員並已差侍從臺諫卿監左右司郎官及太常寺官充詔依

紹興十八年四月四日御藥院奏今來修蓋太一宮了畢依本院元豐令合排辦大禮畢太一宮十神太一真君表一通降真銜香十斤表一通年交保夏道場太一宮十神太一真君表一通其表詞自來係依定本修寫

其香本院候本處幹辦使臣闕到供給今來若行排辦

其表詞欲乞令學士院修撰赴院修寫詔依合排辦餘

依奏結興府三十二年十一月十九日禮部言准都省批下

合排辦奏勅會已降旨一真君并皇太子命聖駕臨

酒及日常請撥今後文皇相兼命于殿思殿外庫取

送及本宮近降旨道館排辦殿等處開辦各請

位所名有酒燭香茶青詞依例于館一面隨宜排辦止

今結安府差修衙前奉聖旨並未依本府已用紙馬香

供應外今請車駕回鑿其前項事依前項指

修內司等處請排辦寺額依自來

紹興十八年五月一日詔建州進士章子秋與免將來

文解一次是以香請建有一命官至

太一宮神位

殿上十位以西為上五福太一君碁太一大遊太一民
小遊太一天一太一地一太一四神太一臣碁太一民
碁太一直符太一東廊九十八位以北為上甲子天皇
君甲申地皇君甲寅人皇君日宮太陽帝君月宮太陰
皇后木德歲星重華真君火德熒惑星執法真君金德
太白星天皓真君水德辰星伺農真君土德鎮星地暎
真君神首羅暎星君神尾計都星君天一紫炁星君太
一月孛星君南斗天府司命上相鎮國真帝斗天相司
錄上相鎮嶽真君南斗天梁延壽保命真君南斗天同
益算保生真君南斗天樞度厄文昌鍊魂真君南斗天
機上生監簿大理真君十精天皇太一君十精天尊太

一君十精帝符太一君十精天時太一君十精飛鳥太
一君十精五行太一君十精三風太一君十精五風太
一君十精八風太一君十精元數太一君上台虛精星
君中台六浮星君下台曲生星君天府司命君天曹司
祿君天曹司非君天曹司厄君東嶽佐命羅浮山真君
東嶽佐命括蒼山真君南嶽儲副霍山真君南嶽儲副
潛山真君中嶽佐命少室山真君中嶽佐命女武凡山真
君北嶽佐命地肺山真君西嶽佐命女凡山真君北嶽
佐命河逢山真君北嶽佐命抱犢山真君丁亥建生星
君丁亥本命真官丁亥元辰真管功曹神君太衝神君
天剛神君太一神君勝先神將小吉神君從魁神君河
魁神君登明神君神后神君太吉神君甲子神將甲戌

神將甲申神將甲午神將甲辰神將甲寅神將東海助
順孚聖廣德威濟王南海洪聖廣利昭順威顯王西海
通聖廣潤王北海冲聖廣澤王文昌大神始擊神將天
日大神地大神天時大神地主神將陽德神將和德神
將呂申神將高叢神將火炁神將大威神將大武神將
大族神將陰德神將主大將主參將定計大將陽七神
將百六神將陰九神將朱雀神將年直靈官日直靈官
地域真官西廊九十七位以北為上東方青帝主算真
君南方赤帝上生真君中央黃帝總監真君西方白帝
紀名真君北方黑帝落死真君北斗陽明太尉府天英
貪狼星斗君北斗陰精上宰府天任巨門星君北斗真
人司空府天柱祿存星君北斗真冥游擊府天心文曲

星君北斗丹元斗君府天禽廉真君星北斗北極太常
府天輔武曲星君北斗天闕上帝府天衝破軍星君北
斗洞明外輔星君北斗隱元內弼星君貴神太一君貴
神攝提太一君貴神權星太一君貴神招搖太一君貴
神天符太一君貴神青龍太一君貴神咸池太一君貴
神太陰太一君貴神天一太一君上元賜福天官中元
赦罪地官下元解厄水角宿天門星君元宿天庭星君
氐宿天府星君房宿天駟星君心宿天王星君尾宿天
鷄星君箕宿天津星君斗宿天廟星君牛宿天機星君
女宿天女星君虛宿天卿星君危宿天錢星君室宿天
廉星君壁宿天市星君奎宿天將星君婁宿天獄星君
胃宿天倉星君昴宿天目星君畢宿天耳星君觜宿天

屏星君參宿天水星君井宿天井星星君鬼宿天匱星
君柳宿天庫星君張宿天秤星君翼天都星君軫宿天
堦星君東嶽天齊仁聖帝南嶽司天昭聖帝西嶽金天
順聖帝北嶽安天元聖帝中嶽中天崇聖帝甲乙木神
丙丁火神戊己土神庚辛金神壬癸水神丁卯神將丁
丑神將丁亥神將丁酉神將丁未神將丁巳神將乾卦
巽成大神坎卦仁王大神艮卦過意大神震卦真舉大
神巽卦明一大神離卦明上火神坤卦閻冲大神兌卦
元陽大神江瀆昭靈孚應威烈廣源王河瀆顯聖靈源
王淮瀆昭應長源王濟瀆清源王太陽神將大火神將
天道神將武德神將陰主神將大義神將客大將客參
將定計參將陽九神將陰七神將白虎神將玄武神將

月直靈官時直靈官奏告奉安儀奏告告遷其日奏安
太一使并分詣行禮官詣太一宮齋舍致齋有司排辦
儀仗威儀道士樂人親從圍子於殿下更互排立道士
作法事教坊作樂有司排辦香火訖禮直官引都大主
管往來照管次禮直官引奏安太一使詣返神位前燒
香訖次太一使已下詣御書牌帳觀御書牌訖歸齋舍
至告遷奏告時前俟有司排辦奏告禮料香燭等畢禮
直官引都大主管官往來照管贊者引太官令贊設訖
光祿卿詣殿下北向立贊者曰拜光祿卿再拜訖升殿
照闕訖退餘官各服常服次引陪位官入詣殿下稍南
北向立次引奉禮郎太祝太官令于陪位官之北立北
向西上禮直官引奏告行禮官詣殿下西向立禮直官

贊有司謹具請行事贊者曰拜請再拜訖贊者引奉禮
郎以下升殿詣神位前各就位立定禮直官引奏告行
禮官詣盥洗位北向搯笏盥手悅手執笏詣爵洗位北
向搯笏洗爵拭爵執笏升詣酒尊所搯笏跪執爵俟太
官令酌酒訖以爵授執事執笏興詣五福太一神位前
前搯笏上香再上香三上香跪俟奉禮郎奏幣奏告官
受幣奠幣執爵三祭酒奠爵內三清位執笏伏興少
立俟大祝讀祝文訖奏告官再拜訖次詣君碁太一大
游太一小游太一天一太一地一太一四神太一臣碁
太一民碁太一直符太一神位前行禮並如上儀唯不
其奏告三清聖像皇帝本命神像行禮並如上儀內奏
請太祝降階復位次引奏告官詣望瘞位南向立奉禮

郎太祝太官令重行立定禮直官曰可燎俟有司焚燎
青詞祝幣訖班退俟告遷時及引奉安太一使詣太一
神像前俛伏跪奉安太一使臣某言請神降座赴本
殿奉安奏訖伏興退奉安三清聖像皇帝本命殿行禮
官奏請如上儀次革官拈擎神像進行儀仗親從圍子
道士作法事教坊作樂前引奉安太一使并分詣行禮
官後從各至殿上樞奉安側座訖權退儀仗親從圍子
於殿更互排立道士作法事教坊作樂

奉安

其日俟奉安時前奏告行禮如上儀訖俟奉安時將至
有司辦禮料等畢太官令實設訖光祿卿再拜升殿點
閱如儀訖退禮直官引都大主管官往來照管次引陪

位官詣靈休殿下北向立西上次引分獻官於奉安太
一使後重行西向北上次引奉禮郎太祝太官令於陪
位官之北立北向西上禮直官引奉安太一使升殿稍
東西向少立尅擇官報時及引奉安太一使詣太一神
像前悅伏跪奏奉安太一使臣某言請神像升正座奉
安奏訖伏興復位立俟捧遷神像升正座訖禮直官引
奉安太一使詣殿下東階之東西向立定禮直官贊有
司謹具詩行事贊者曰拜在位官皆再拜訖贊者引奉
禮郎太祝太官令升殿各就位立定禮直官引奉安太
一使詣盥洗位北向揖笏盥手悅手執笏詣爵洗位北
向揖笏洗爵拭爵訖執笏升殿詣五福太一酒尊所西
向揖笏跪執爵俟太官令酌酒訖以爵授執事者執笏

興詣五福太一神位香案指笏上香再上香三上香跪俟奉禮郎奉幣奉安太一使受幣奠幣執爵三祭酒奠爵執笏俛伏興請少立次太祝指笏跪讀祝文訖奉安太一使再拜訖次詣君綦太一大游太一小游太一天一太一地一太一四神太一臣綦太一民綦太一直符太一神位前的獻行禮並如上儀禮不訖次引奉安太一使降階復位立初奉安太一使升殿次贊者分引分獻官各詣盥洗位指笏盥手俛手執笏詣兩廊從祀神位前各指笏跪執爵三祭酒奠爵執笏俛伏興又再拜訖次詣逐神位前行禮並如上儀訖降階復位立贊者曰拜在位官皆再拜分獻官詣皇帝本命殿三清殿行禮並如上儀訖禮直官引奉安太一使詣望燎位南向

官行親謁燒香之禮合差前一日祭告官一員差侍從奉禮郎太祝太官令共三員差郎官并至日前導太常卿一員差郎官行燒香禮畢道院三清堂行燒香禮官一員差侍從詔依

紹興十八年三月十七日御史臺閣門言今月二十一日車駕詣太一宮行親謁燒香之禮所有合用文武百官陪位立班文臣欲乞告集釐務通直郎以上及見任寺監主簿承務郎以上先於樞星門內立班迎駕起居訖次赴陪位立班其合用侍班幕次欲乞令臨安府同儀鸞司排辦詔依

紹興十八年三月十七日詔太一宮親謁燒香禮畢次日作休務歇泊假一日

紹興十八年三月十八日禮部太常寺言已降指揮車駕詣新宮行禮今欲乞依禮例俟至日行禮畢許奉安太一使率行事陪位官文武詣齊殿起居稱賀詔依

親謁太一宮儀

前期儀鸞司張設齊殿內又設褥位於靈休殿介福殿上之東西向本宮陳香案香壺匙合花瓶等各於神位之前設褥位於香案之前儀鸞司又設從駕臣寮并陪位前導官次於宮之內外其日質明皇帝服履袍出內即御座鳴鞭行門禁衛諸班親從等諸司祇應人員以下於崇政殿各自贊常起居次從駕臣僚并應奉陪位官并管軍於崇政殿起居如閣門儀訖先退以俟從駕俟皇帝自崇政殿乘輦出行宮北門將至太一宮前導

前導及陪位官於太一宮樞星門內迎駕起居再拜訖
次御史臺閣門太常寺分引陪位官先詣靈休殿下北
向立禮直官太常卿詣殿上褥位前北向立閣門官分
立於左右俟皇帝乘輦入樞星門由齋殿門至齋殿上
降輦從駕合陪位官入詣靈休殿下北向立皇帝步由
齋殿後至太一宮東廊便門升靈休殿東側階詣殿上
褥位西向立定太常卿奏請拜皇帝再拜贊曰拜在位
官皆再拜訖禮直官引奉安太一使升殿東階後從次
前導皇帝詣五福太一神像香案前奏請皇帝上香再
上香三上香又奏請拜皇帝再拜贊者曰拜在位官皆
再拜訖次前導官前導皇帝詣君基太一太游太一小
游太一天一太一地一太一四神太一臣基太一民基

太一直符太一香案前上香再拜並如上儀訖前導官前導皇帝還褥位奉安太一使於褥位之後以俟後從詣介福殿行禮太常卿奏請拜皇帝再拜贊者曰拜在位官皆再拜訖應陪位并應奉官並先由西廊詣介福殿下立班以俟前導官前導皇帝降東側階由東廊升介福殿東側階詣殿上褥位西向立定太常卿奏請拜皇帝再拜贊者曰拜在位官皆再拜訖前導官前導皇帝詣皇帝建生星斗君神像香案前奏請皇帝上香再上香三上香又奏請拜贊者曰拜在位官皆再拜訖次前導官前導皇帝詣皇帝本命真官皇帝元辰真官神像香案前上香再拜並如上儀訖引奉安太一使降東階詣介福殿下北向立次前導官前導皇帝還褥位得如

門宣率臣祀香殿禮直官應諾訖引宰臣升殿西階詣
皇帝建生星斗君神像香案前拈笏上香再上香三上
香執笏次詣皇帝本命真官皇帝元辰真官神像香案
前上香並如上儀訖降階歸位再歸位再拜在位官皆
再拜訖太常卿奏請拜皇帝再拜贊者曰拜在位官皆
再拜訖皇帝歸齋殿前導陪位官以次退以俟皇帝常
服乘輦還內如來儀

紹興十八年五月六日禮部太常寺言勘會國朝崇奉
十神太一所臨之方穀豐歲稔物無疵癘昨奉詔旨討
論太一宮典故尋條具國朝禮例乞擇福地建宮不日
告成消辰奉安前期密雲蔽翳禮畢雨降連鑿興詣行
宮行禮陰雲頓開皎日晴霽車駕還內雨澤復降實十

神太一威靈顯相有此祥應伏望朝廷特賜敷奏宣付
史館詔依

中興禮書第一百三十三卷

吉禮一百三十三

太一宮三

今上皇帝本命殿

紹興三十二年十月十七日禮部言准七月十八日都省劄子太一宮奏今月十二日恭遇皇帝本命已降指揮啟建諷經道場一永日所有崇奉丁未本命聖像殿宇及合立聖像緣事于禮典欲乞朝廷行下有司討論措置施行詔依本部下太常寺討論本寺檢准昨修蓋太一宮係依國朝天禧興建禮泉觀典故內寶壽殿專崇奉皇帝本命當時依典禮一就相度修建太上皇帝本命殿了當其御製御書殿名曰介福今來太一宮崇

奉今上皇帝丁未本命殿宇及立聖像本寺同禮部官
太史局前去相視乞於介福殿之東稍後空地接廊可
以隨宜修葺今上皇帝本命殿即與陰陽經書及典禮
別無違碍今欲乞令兩浙轉運司前去體做介福殿制
度修葺及令本宮申請塑製聖像其殿名亦乞令本宮
官奏請御製御書降賜詔依

紹興三年二月二十七日太一宮狀今上皇帝本
命殿令本宮申請塑製聖像其殿名亦令奏請御製御
書降賜今欲乞除殿名候將來告成日奏請外所有塑
製聖像一節本宮自有介福殿內儀制可以體仿緣本
宮止係崇奉香火去處於典禮不敢專輒施行乞下有
司勘會如依得介福殿見立聖像制度乞劄下兩浙轉

運司一就塑製施行詔依

今上皇帝本命殿
製柳吉崇格之殿

紹興三十二年十一月二十八日禮部言准都省批下
兩浙轉運副使陳輝等劄子修造太一宮今上皇帝本
命殿將來上梁合與不合用樂及製撰上梁文後批送
禮部看詳本部下太常寺勘會緣在欽宗皇帝服制之
內不合用樂其上梁文合行製撰欲令學士院修撰詔
依

隆興元年二月二十三日太常寺言準尚書省劄子權
兩浙路計度轉運副使陳輝等劄子蓋造太一宮今上
皇帝本命殿及置辦聖像等並已了當所有奉安神像
太史局送到今月二十五日二十七日巽時吉伏乞朝
廷下有司討論典禮劄付太常寺施行本寺契勘奉安

日辰欲乞用今月二十七日其告遷行禮時欲乞於奉

安時前行禮今檢照禮例條具合行事件 一告遷奏

告奉安等合用御封降真香乞從本寺具數報入內內

侍省請降一時前奏告太一宮神像合用祝文二首

奏告五福十神太一神像一首 青詞一首 奏告三清聖

差今上皇帝本命殿神像 并時前奏告告遷奉安今上

皇帝本命殿神像合用祝文二首

奏告告遷之意一首 述以奉安時前

述以奉安之意 並乞下學士院修撰書寫進呈訖降付本寺

一安奉時前合差奏告官四員一員奏告五神十神太

一一員奏告三清一員奏告太上皇帝本命殿神像一

員奏安時前奏告告遷并奉安今上皇帝本命殿神像
及前一日早晚上香並合前一日赴本宮致齋至日行

事像差侍從官充伏乞朝廷降勅施行 一奏告告速奉安合光祿卿以下行事官欲乞依例差本寺官如闕具數申吏部 一奏告奉安合用幣帛乞從本寺具數闕報所屬 一奏告告速奉安各合用神酒鵝梨法醬禮料蠟燭酒果等並從本寺具數下臨安府排辦 一奉安日欲乞令修造官屬并本宮官至日絕早起本命殿陪位立班 一定時尅擇官一名乞下太史局差詔依

奉安今上皇帝本命神像儀

前一日其日奏告奉安官并光祿卿以下行事官並赴太一宮齋舍致齋本宮道士於皇帝本命殿下排立作法事有司排設香火訖禮直官引奏告官詣逐神位前

燒香再拜訖退赴幕次致齋俟晚燒香並如上儀訖退
奏告太一宮三清太上皇帝本命殿今上皇帝本命殿
并奉安奏告時前行事等官各服常服俟有司排辦奏
告禮料香燭等畢道士排立作法事禮直官引本宮主
管官往來照管贊者引太官令贊設禮料訖光祿卿詣
殿下北向立贊者曰拜光祿卿再拜訖升殿點閱訖次
引奉禮郎太祝太官令詣殿下北向西上禮直官引奏
告官詣殿下西向立禮直官贊有司謹具請行事贊者
曰拜在位官皆再拜訖贊者引奉禮郎以下升殿詣神
位前各就位立定禮直官引奏告官詣盥洗位北向揖
笏盥手悅手執笏詣爵洗位北向揖笏洗爵拭爵執笏
升詣酒尊所揖笏跪執爵俟太官令酌酒訖以爵授執

事者執笏興詣五福太一神位前搢笏上香再上香三

上香跪俟奉禮郎奉幣奏告官受幣奠幣執爵三祭酒

奠爵三清位執笏伏興請少立俟太祝讀祝文訖奏

告官再拜訖次詣君綦太一大游太一小游太一天一

太一地一太一四神太一臣綦太一民綦太一直符太

一神位前行禮並如上儀惟不讀祝三清聖像前太上皇帝

本命神像前今上皇帝本命神像前行禮並如上儀三

儀讀訖降階復位次引奏告官詣望燎位南向立奉禮

郎太祝太官令重行立定禮直官曰可燎有司焚燎青

詞祝幣訖班退俟告還時及引奉安官詣神像前俛伏

跪奏奉安官臣某言請皇帝本命神像升帳座奉安奏

訖伏興退次本宮道士道童捧遷神像升帳座權奉安

側座訖退以俟奉安時將至俟有司排辦禮料等畢道士排立作法事太官令實設光祿卿詣令上皇帝本命殿下北向立贊者曰拜光祿卿再拜訖次禮直官引本官主管官升殿往來照管訖贊者引陪位官詣殿下稍南北北向立西上次引奉禮郎太祝太官令於陪位官之北北向立西上禮直官引奏告官升殿稍東西向少立俟尅拜官報時及引奉安官詣神像前俛伏跪奏奉安官臣某言詣神像正座奉安奏訖伏興復位立俟道士道童捧遶神像正座訖禮直官引奉安官詣殿下東階之東西向立定禮直官贊有司謹具請行事贊者曰拜在位官皆再拜訖贊者引奉禮郎太祝太官令升殿各就位立定禮直引奉安官詣盥洗位北向揖笏盥手帨

手執笏詣爵洗位搯笏洗爵拭爵訖執笏升殿詣神像
前酒尊所西向搯笏跪執爵俟太官令酌酒訖以爵授
執事者執笏興詣神像香案前搯笏上香再上香三上
上香跪奉禮郎奉幣奉安官受幣奠幣執爵三祭酒奠
爵執笏俛伏興請少立太祝搯笏跪讀祝文訖奉安官
再拜次詣逐位神像前行禮並如上儀訖惟不復位立
次詣望燎位南向立奉禮郎太祝太官令重行南向立
禮直官曰可燎俟有司燎祝幣訖班退次陪位官以次
道士作法事畢退

中興禮書第一百三十四卷

吉禮一百三十四

太一宮四

太一宮四立日行事

紹興十一年十一月八日禮部言准都省送下白劄子承平舊制在今日決未能一一修復其間固有事體重而不可輟者惟五福太一之詞為然蓋自太平興國以來世世崇奉每四十五年一易宮至宣和元年適次西北詔即龍出而奉安焉未幾軍興祠禮遂廢蓋閱十有五年煌煌威神將何有所依况兵家有所謂太一式者方今行師之際尤宜嚴祀以格神休伏望明詔有司行宮之北隅擇爽塏而建祠參稽舊典以時歲事後批送禮

部看詳本部太常寺檢會國朝會要太平興國初用司
天楚芝蘭言詔有司就蘇村營建太一宮每歲四立日
行祭禮命近臣攝事用幣帛祝無牲祭今緣臨安府係
車駕駐蹕去處若比祔國朝禮例權宜設位修奉祠事
理亦可行取自朝廷指揮詔依

二十八日臣僚上言伏見近臣僚獻臣請即行宮之北
建祠以奉五福太一之神而陛下可之臣切以為非今
日之急務蓋今日財用匱而未豐民力困而未裕遠方
盜賊而未盡滅熄正宜節費寬民強兵禦侮以圖回天
下之治豈勞民動衆大興土木之時乎儻止權宜設位
修奉祠事如禮部看詳則又非所以崇奉之意二者胥
失也伏望特降睿旨取前日指揮早賜寢罷詔依已降

指揮權宜設位奉祀

十二月五日禮部太常寺言已降指揮於行在權宜設位祀十神太一今條具合行事件一依儀立春日祀東太一宮立夏日祀中太一宮立秋日祀西太一宮立冬日祀龍德太一宮係太祀不載時日不受誓戒行事執事官散齋七日致齋三日內光祿卿太官令齋一日今欲乞依上件禮例施行一契勘昨在京太祀一宮係有太一神像各殿安奉及有兩廊從祀神位今來係權宜設位行禮欲乞依見今祀祭天地禮例於錢湖門外惠照院望祭齋宮設位行事不設從祀并勘會祀太一十位舊係逐殿各設蓮豆十二及合用祭器等今來止係望祭殿一座共設十位祭器若依儀鋪設不足欲

乞隨宜行禮一獻官一員合差中書舍人如闕差以次
官并合差監察御史光祿卿奉禮郎太祝太官令各一
員欲乞依見今大祀禮例闕報所屬一合用素饌禮
料幣帛祝文酒齊等今欲乞依禮例闕報所屬排辦
一今未於惠照院望祭齋宮設位除立春立秋立各日
無相妨外所有立夏日祀赤帝燮感中太一宮同日三
祭委有妨碍欲乞將感一祭移於淨慈寺行事詔依
十八年正月二十四日禮部太常寺言勘會每歲就惠
照院齋宮祀太一宮立春日稱祀東太一宮立夏日祀
中太一宮立秋日祀西太一宮立冬日祀北太一宮今
來見修葺太一宮自奉安之後過四立日就本宮行禮
今欲乞遇四立日祀太一宮稱祀五福十神太一詔依

九月二十三日太一宮狀奉聖旨太一宮每遇四立日
祀五福十神太一所有祭器令太常寺據合使數於本
宮置庫專一椿管

四日立祀五福十神太一儀

晴日

太常寺具立春日五福十神太一散告

立夏立立秋立
冬日在北齊

戒前祀十日應行事執事官散齋七日治事如故宿於

正寢不弔喪問疾作樂刑書刑殺文書決罰罪人及與

穢惡致齋三日

北祀解太宮
今齋一日

二日於本司

無本司者於
鄰近寺觀質

明唯祀事得行其餘悉禁前祀一日質明俱赴司所齋

宮官給酒饌祀官已齋而闕者通攝行事

陳設

之餘從祀神位每位左二邊俱在前右二邊皆在前

爵一在神位前加實以前拈祭次之每廊各設犧尊二加勺罍

一實明水一太常設燭於神位前洗二於東階下直東

嚮北盥洗在東罍在西罍在洗東加勺篚在洗西南肆實以

巾若爵洗之篚則設分獻官洗於東西兩廊之北東西

執罍篚者各位於其後又設揖位於殿門外獻官在

道西東向分獻官在其後監察御史奉禮郎太祝太官

令在道東西向俱北上設燎柴於殿東南設望燎位於

其北獻官在北南向分獻官在其後西上監察御史在

東西向奉禮郎太祝在東西向向上設獻官席位於殿

下東階之東西向分獻官在其後北上監察御史席位

於殿庭之南北向奉禮郎太祝太官令在其後西上光

祿卿在其東北向又設監察御史位於殿上前楹西東
向奉禮郎太祝在東西向北上太官令位於酌尊所北
上

省饌

前祀一日行事執事官集獻官齋所肄儀太祝習讀祝
文及貶幣次禮直官贊者分引行事執事官詣殿東南
省饌位此城官行事禮直官
引餘官皆贊者引立定禮直官贊拊所有省
饌俱畢禮直官贊省饌畢拊訖俱還齋所次引監察御
史入詣厨視祭器滌漑乃還齋所晡後有司掃除宮之
內外

行事

祀日丑前五刻

行事春冬用丑時七
刻夏秋用丑時一刻

次太官令帥其屬

賓饌俱畢次引光祿卿入詣殿庭席位北向立贊者曰

再拜光祿卿再拜升自東階

凡行事者官升階皆自東階

點視禮饌

次引監察御史升殿點閱陳設糾察不如儀者

凡點視及點閱

皆先詣五福太一位

光祿卿還齋所餘官各服祭服次引行事執

事官詣殿門外揖位立定禮直官贊拚次引監察御史

奉禮郎太祝太官令入就殿下席位北向立次引獻官

分獻官各入就殿下席位西向立禮直官稍前贊有司

謹具請行事贊者曰再拜在位官皆再拜次引監察御

史奉禮郎太祝太官令升殿各就位立定次引獻官詣

盥洗位北向立搢笏盥手執手執笏升殿詣五福太神

位前北向立搢笏跪次引奉禮郎搢笏西向跪執事者

以幣授奉禮郎奉禮郎奉幣授獻官訖執笏興先詣太

一神位前面向立獻官受幣奠訖執笏俛伏興再拜次詣君碁太一大遊太一小遊太一天一太一地一太一四神太一臣碁太一民碁太一直符太一神位前奠幣如上儀俱復位次引太祝詣五福太一神位前東向立次引獻官詣盥洗位北向立指笏盥手悅手執笏詣爵洗位北向立指笏洗爵拭爵以授執事者執笏升殿詣五福太一位酌尊所西向立執事者以爵授獻官獻官指笏跪執爵執尊者舉罍太官令酌著尊之醴齊訖先詣君碁太一位酌尊所北向立獻官以爵授執事者執笏興詣五福太一神位前北向立指笏跪執事者以爵授獻官獻官執爵三祭酒奠爵執笏俛伏興少立太祝指笏跪讀祝文讀訖執笏興復位獻官再拜次詣每位

酌獻並如上儀

惟不備
祝文

俱復位獻官再詣洗位將升次

引分獻官詣盥洗位搯笏盥手悅手執笏詣從祀神位
前搯笏跪執爵三祭酒奠爵執笏俛伏興再拜詣次位
並如上儀退復位次引獻官分獻官詣望燎位有司詣
神位前取幣祝板置於燎柴次引監察御史奉禮郎太
祝望燎位立定禮直官曰可燎火燎半柴次引獻官以
下詣殿門外揖位立禮直官贊禮畢揖訖退太官令帥
其屬徹禮饌監察御詣殿監視收徹訖退

中興禮書第一百三十五卷

吉禮一百三十五

親饗先農耕藉一

按此卷至耕藉四承樂大典第六百一十二卷及第一萬

一十八百五十四卷凡兩載

紹興十四年十一月十二日臣僚劄子言臣聞藉田之禮尚矣國朝自端拱初因嘗親耕帝以先天下累聖丕承允為成憲方今朝廷清明邇鄙靖謐伏望明詔有司講求祖宗故事斟酌其宜躬行三推之禮昭示勸農之意詔令禮部太常寺討論典故申尚書省

十五年正月十九日禮部太常寺言今討論藉田之制以千畝為限前世即于東郊乃諸侯之禮元豐中始度地國南以合先王之制廣袤步畝游洫防列農壇宮人

從官屬莫不備設迨至秋成藏之神廩菜盛酒醴於是
乎出下至羹藉用以養牲凡菱芡果蔬之屬歲時所以
供祭祀者皆足給於此徽宗皇帝是正禮文政和新書
品式具載今欲舉而行之豈惟其時仍乞下臨安府就
行宮之南標撥田畝候相視到地段可以營建即從禮
部太常寺參酌前項典故申請施行詔令臨安府踏逐

地段申尚書省

正月二十二日知臨安府張澄遣劄子連
依指押安官前去城南園壇相近踏逐

人戶園池并水田打壘得東西長四百八十二步
北新開二百四十步已上橫計一十三萬六千八百八
十八步細引五百七十畝一角
二十八步今併直圖呈候指押詔令張澄措置

二月二十一日知臨安府張澄言今和買到人戶園池
并水田地畝充藉田合行蓋造思文殿觀耕臺神倉等
屋宇及親耕地步伏望朝廷下禮部太常寺指說修蓋

施行詔依

三月二十六日知臨安府張澄言依奉指揮建耜伏乞
令太史局先次擇日下手興功施行詔依

四月四日詔耜田殿宇不須蓋造止依南郊例臨時絞
設幕殿

九月十四日禮部太常寺言契勘耜田係專一供奉祭
天地宗廟社稷等禮料所有其餘地段並合作水陸田
今欲乞令臨安府所委官將見在地段并水池一就隨
宜措置修治施行 一檢照國朝會要并省記到耜田
合種植物色黍稷稻粱大小豆大小麥黑豆菱芡秫芹
韭菁蒲白菘菜燠草蕭蒿茅脂麻桃棗梨瓜筍竹櫻桃
一省記到合撥地段水池水田陸田果園菜園菱池芡

池竹園蒿地茅地詔依

十月二十九日禮部言准都省送下太常丞王湛劄子
乞討論將來親耕車駕乘玉輅以耕根車載耒耜并乞
遵用政和新儀等後批送禮部看詳本部下太常寺次
第取索看詳指定欲依政和五禮新儀以象輅載耒耜
仍依宣和已行禮制以儀仗二千人護衛來耜質明先
詣壇所是日車駕服履袍乘平輦詣思文殿進膳畢服
通天冠絳紗袍行親耕之禮兼勸會耕耜使依故事服
朝服乘車本品鹵簿所有車乞下所屬製造儀仗乞下
兵部於見管儀仗內就用其餘合行事件乞令有各司
檢照五禮新儀并宣和禮制參酌申請施行詔依
王湛

二附見于此其一檢會五禮新儀車駕論耜田乘耕和
車左輔奉耒耜歲以象輅列於仗內而會耜又載政和

中行	視	政	有	輕	司	耕	長	明	之	時	五	年	無	與	上	科	官	文	八
行	開	和	信	重	封	二	于	後	以	以	年	無	與	上	科	官	文	八	年
修	天	年	注	適	給	年	五	格	為	之	洋	無	與	上	科	官	文	八	年
其	禮	中	合	當	將	二	路	後	禮	之	完	無	與	上	科	官	文	八	年
	必	已	一	禮	未	月	受	格	經	濟	言	無	與	上	科	官	文	八	年
	用	經	而	無	親	十	格	為	更	代	天	無	與	上	科	官	文	八	年
	政	簡	嚴	討	者	一	考	次	用	耕	子	無	與	上	科	官	文	八	年
	和	則	宗	論	其	日	之	格	侍	四	所	無	與	上	科	官	文	八	年
	所	易	室	論	其	行	禮	也	中	那	矣	無	與	上	科	官	文	八	年
	任	從	帝	見	二	以	經	尊	奉	史	皆	無	與	上	科	官	文	八	年
	定	准	楚	路	格	行	輕	半	來	來	有	無	與	上	科	官	文	八	年
	制	正	格	會	已	望	重	所	招	馬	副	無	與	上	科	官	文	八	年
	其	新	今	明	降	朝	先	來	于	載	根	無	與	上	科	官	文	八	年
	問	禮	新	道	指	廷	次	先	玉	來	元	無	與	上	科	官	文	八	年
	或	史	之	儀	揮	特	側	後	象	格	於	無	與	上	科	官	文	八	年
	有	三	望	義	將	載	開	之	格	於	五	無	與	上	科	官	文	八	年
	增	空	最	極	未	和	真	序	以	隨	其	無	與	上	科	官	文	八	年
	得	乃	定	詳	耕	所	宗	亦	固	之	隨	無	與	上	科	官	文	八	年
	事	定	商	備	耕	所	皇	固	自	之	隨	無	與	上	科	官	文	八	年
	件	符	商	備	耕	所	皇	固	自	之	隨	無	與	上	科	官	文	八	年
	別	來	然	然	所	有	皇	固	自	之	隨	無	與	上	科	官	文	八	年

同日中書門下省言將來紹興十六年春親耕耜田詔
令學士降詔

十一月十七日詔門下朕厲精庶政撫世多虞念稼穡
之艱難欲黎元之給足當食而數靡敢違寧今茲休兵
息民流徙還業然而田疇未闢游惰尚多豈其三農失
職而訓勉之道有未至歟仰惟前代親耕耜田為天下
先醴酪棗棗於是乎出穀鹿純固於是乎成使耕與養
者知所勸向朕甚慕焉乃飭仗司經營千畝其以來歲
之春祇袂青壇載黛耜躬三推之禮以風示於四方庶
幾力穡服田仰事俯育興于禮義以致丕平願不俾歟
播告遐邇咸知朕意

同日上謂宰臣曰先皇帝耜田亦不每歲常講務欲勸

農不必多修屋宇但只蓋席屋事畢撤去庶不致騷擾
同日禮部狀准都省批下權工部侍郎錢時敏等劄子
勘會製造親耕藉使所乘車承太常寺檢會到禮制象
車以象飾諸末朱班輪八轡左衡左建旂右載闔載
駕馬四楯上設香爐香寶錦帶其輪衣簾旂韜杠絡帶
綉文施以鸞駕馬皆有銅面挿羽鞶纓攀背鈴拂緋緇
履紅錦包尾所有合造名件樣劄令幹辦祇候庫孫援
指說製造施行今據孫援供依太常寺供到象車制度
合高一丈五尺闊一丈畫到草樣伏乞朝廷指揮批送
禮部下太常寺看詳所畫象車樣依得禮制別無不同
并圖本劄下工部依看詳到事理施行

伏在錢時敏劄子據孫援中已造象車小樣係高一丈
四尺今未依下形勢不相稱欲於三重輪上增一又五

寸板有下增五寸共高一丈七尺比之車格高低三尺
七寸五分即別無建碍乞申明行下製造并小樣到送
禮部太常寺官同看視今同六看視得所造象車小
樣依所增尺寸製造依得禮制到無違碍所百倚背并
平盤路道上椅子破並用紫到下工
部依禮部太常寺看視到事理施行

二十二日禮部太常寺言將來親耕今具申請下項

一依宣和禮制親耕前三日司農以青箱奉九穀種種
之種進內前二日皇后率六宮獻于皇帝受之于內殿
前一日降出付司農寺以待耕事欲乞依上件禮例施
行 一國朝舊制合用盛九穀種箱係竹木為之而無
蓋兩頭設檜飾以青色中分九隔設一種覆以青帕欲
乞令工部指揮所屬計會司農寺製造 一國朝舊制
三公三少宰臣親王各五推今欲乞依宣和禮制令三
公三少宰臣親王使相各行五推之禮舊制九卿諸侯

以左右僕射六尚書御史大夫攝各行九推今欲依宣
和禮制令執政官并侍從兩省臺諫各行九推之禮庶
人終啟詔依

二十三日禮部太常寺言今參酌國朝禮例并省記宣
和禮制條具合行申請事件 一依國朝已行禮制合

造御來耜二具并耜並飾以青色制如農人所執事畢

內中收之係少監製造付太僕寺所有將來親耕御耒

耜二具并耜

係或耒耜

今欲乞令工部指揮所屬計會

司農寺省記在京耕耜例製造付司農寺送納於親耕

前兩月畢備 一御耕牛合用青牛四其牛衣以青色

欲乞下雨浙轉運司措置收買如委無青牛乞用黃牛

代以青羅夾衣蓋搭於親耕前五日到行在交割付

驥院養喂祇備教習事畢付耕田司收養 一從耕

官每耒耜合用牛二頭今來從耕耒耜三十具合用牛

六十頭准備牛一十頭乞令兩浙轉運司預行計置

一依宣和禮制庶人百人耕終畝並青衣耕牛二百頭

竊緣今來耕田地步與在京不同所用牛數亦多計置

不及今欲乞依端拱明道禮制止用庶人四十人耕牛

八十頭仍乞下兩浙轉運司預行計置其庶人所服青

絹衫并青帶子乞令工部指揮所屬製造其牛候事畢

給還元處 一從耕官耒耜三十具庶人耒耜四十具

并合用鉏一十具以木為又畚二十具今欲乞令工部指揮

所屬計會司農寺製造詔依

二十四日禮部太常寺言今省記參酌宣和親耕禮制

條具合行申請事件 一合製造御耕立牌一面書御
耕三推至此六字又皇帝位三字位二面並係青飾金
字 一合用公卿從耕立牌二面並係黑漆白地黑字
內一面書五推至此四字一面書九推至此四字并合
製造從耕并侍耕羣官位版五十片黑漆並乞令工部
指揮所屬計會太常寺製造詔依

二十七日禮部太常寺言將來親耕行禮儀注今欲乞
依例從御史臺閣門太常寺同共參酌修定申請施行
詔依

閏十一月二日兵部言將來親耕藉田依國朝會要內
該載宣政間親耕禮制係耕藉使以儀仗二千人護衛
耒耜先詣壇所今條具合行事件 一儀仗二千內除

太常寺鼓吹五百九十八人外一千四百二人係就用見管黃麾儀仗其合用執擘儀仗人并馬欲乞下殿前司及左右 金吾街仗六軍儀仗司差撥內合用金吾上將軍二員以左右街仗司監官充攝大將軍二員將軍四員以殿前司將官充攝 一執擘儀仗人兵合前期教習排立閱校欲候殿前司等處差撥到人同太常寺鼓吹於候潮門外大教場內教習 一儀仗合親耕前一日於皇城南門外宿仗是日質明護衛耒耜先詣壇所 一禮兵部太常寺狀今來所修耨田地步比之在今不同所用儀仗二千人竊慮難以排列今欲乞隨宜減半用一千護衛耒耜其儀仗排立一節亦難于思文殿內外排立合隨象輅止于耨田門外排立列宣和

親耕儀內亦無該載殿內外排立儀仗之人詔依

六日兵部言准勅將來親耕耜田乞依政和五禮新儀以象輅載耒耜儀仗護衛所有合行事件乞令有司各行參酌申請施行今契勘將來親耕除輦輿御馬等物依四孟例排辦已行足備外今開具下項 一將來親耕車輅經由道路門橋高二丈五尺濶一丈八尺轉彎掉圓地步五丈自本殿直南入皇城北門經由南北宮門裏出皇城南門至壇所一帶道路門橋多是坑坎及有窄隘去處欲乞下臨安府如法修治務令平實 一將來排辦象輅欲乞依例前半月於候潮門外大教場內教習及應奉前五日將象輅教習車裝載重物五千斤碾試經由道路門橋三日 一象輅下合用駕士天

武官一百五十人內呵唱人員二人如不足於諸軍貼差及赤馬三十匹管轄將官一員下殿前司差合用教馬官一名下左右驛院差合用推輪車子官健八人下御葦院差一隨輅諸作工匠今乞於文思院上下界軍器所差撥排辦象輅所有隨輅雲梯油帕合坡撞擊兵士一十人下殿前司差就令本司於幕屋側近安設兵幕二十座令車輅下祇應人并駕士人馬宿泊一將來親耕象輅裝載耒耜係前一日闕報皇城司經由大內至壇所及應奉前五日將象輅教習其人馬出入牌號并應奉了畢象輅下人馬等却令經由大內歸院所有一行人至時祇應關借勅號下皇城司支給放令出入事畢送納一排辦車輅人物等依例合差兵

駕部郎官二員總轄點檢緣庫部排設儀仗已申乞差見今兵駕部郎官二員點所有駕部前項職事乞就差逐官總轄點檢其合差職掌五人亦乞依例差詔依同日兵部言耕藉使用本品鹵簿儀仗太常寺契勘耕藉使品依王公依政和五禮新儀共用六百八十八人係庫部儀仗太常寺鼓吹駕部織扇車乘下駕士等揆成上件人數本部契勘緣地步與在京不同欲以一半用三百四十四人詔依

八日禮部太常寺言續次參酌下項一依宣和禮制從耕官侍耕陪位官并執事際令並服朝執事人各服法服法衣兼省記宣和年親耕行禮其應奉官亦服朝服今欲乞依禮例施行一侍耕陪位官乞從御史臺

閣門合行參酌申請 一依宣和禮制助執耒耜人三公三少宰臣使相親王各三人執政官各二人餘從耕官各一名並服絳衣介幘以明習農耕者充乞從太常寺具合差人數報兩浙轉運司 一依宣和禮制文武從耕侍耕執事官如不係從駕官并畿內諸縣令及耆老庶人其日候車駕將至耜田並於耜田門外立班再拜奉迎今欲乞依禮制施行詔依

九月禮部太常寺言今依國朝親耕禮例并省記在京親耕合差官數內耕耜使一員係降勅差三公宰臣充詔依十二月十八日都省劉子勳會於都禮大禮差五使十一時不置司其合行事件今三省禮房再行移亦合一觀地行更不置司右副侍禮部